

掌儀司四卷

總管內務府現行則例

總管內務府現行則例⁴

掌儀司一冊 定價玖角

版權所有

民國二十六年三月出版 300

十二元

欽定總管內務府現行則例掌儀司

目錄

卷一

建設公廨額定員役

備閱祝文

殿內燃香事宜

宮內設樂事宜

筵宴事宜

宴桌事宜

恭進春山春牛事宜

奉先殿大祭告祭事宜

奉先殿前殿大祭禮節

後殿告祭禮節

後殿致祭禮節

奉先殿供品

奉先殿陳設樂器

奉先殿安設燈座

除派恭請神位官員

換給衣帽等項

先蠶壇事宜

選補各項員役

奉先殿致祭事宜

奉先殿改龕

致祭奉先殿事宜

卷二

坤寧宮祭神事例

四

五

五

五

六

六

六

一

一

一

一

二

一

四孟月敬神

一五

進呈時憲書

二四

春秋豎桿大祭

一六

領取時憲書

二四

坤寧宮神前月例供獻

一六

傳集命婦

二四

堂子事宜

一七

覆覈酒醋房用過銀兩

二四

坤寧宮祭祀承應員役

一七

各寺廟事宜

二五

清寧宮敬神事例

一八

成造刷印佛像事宜

三五

爲馬致祭

一九

各處應用奶油事宜

三五

壽皇殿事宜

一九

坤寧宮薩滿等演習讀念

三五

分例事宜

二一

各寺廟停止獻戲

三六

分封分例

二一

停止刷印佛像

三六

選補各項員役

二三

改稱衙署

三六

選擇吉期

二四

卷三

請佛事宜

二四

恭備演耕藉禮

三七

恭入玉牒黃冊

三七

果園錢糧事宜

六七

阿哥婚娶事宜

三七

承催錢糧員役賞罰事宜

六九

公主下嫁事宜

三九

盛京等處果園事宜

六九

內聘格格下嫁事宜

四八

查比壯丁

七〇

種喜花送神事宜

五九

咨送考試

七〇

齋戒事宜

五九

呈送逃人

七〇

阿哥指婚

五九

承辦薑蒜鮮魚等物

七〇

慶賀事宜

五九

遞送公文

七一

卷四

陵寢員役陞補定例

六〇

額設舫斗圓輕人役

七一

陵寢考取筆帖式事宜

六〇

承應清茶人役

七二

覆覈東陵西陵進用各款銀兩

六〇

咨給來京官員人等糧草等項

七二

果房事宜

六〇

領取公費

七二

領取紙張筆墨

七二

摺奏書稱

七五

領取太監公費

七三

遞奏事宜

七六

行取教習豬肉

七三

更替園頭

七六

行取帳房

七三

換地爲塋

七七

移送註銷

七三

園頭絕嗣承繼

七八

內送文移

七三

移會事宜

七八

旌表貞節

七三

裁撤書吏

七九

召募書吏

七四

引見事宜

七九

隨園事宜

七四

裁撤鞦韆歌曲

七九

致祭陵寢

七四

鈐用印信

七九

撥補太監

七五

正一真人停止朝覲

七五

道衆定額

七五

欽定總管內務府現行則例

掌儀司卷一

設建公廡額定員役

掌儀司職掌祭祀筵宴禮儀樂舞等事管理果園地畝錢糧 初名禮儀監 順治十七年改爲禮儀院 康熙十六年十月奏准改爲掌儀司鑄給司印於郎中內除派一員佩帶印鑰 額設郎中二員員外郎八員主事一員六品虛銜委署主事一員筆帖式二十一員贊禮郎十七員學習贊禮郎七員司俎官五員司俎人十八名阿穆遜滿洲十名拏豬人二十名寫檔案人三名掌果二名副掌果二名果上人十二名催園領催九名寫檔案披甲人七名聽差蘇拉十六名揀果蘇拉三十名買辦薑蒜催長一名副催長二名栢唐阿七名蘇拉四名太和門散茶蘇拉四名

備閱祝文

凡祭壇廟前一日皇上親閱祝文據太常寺來文移會各該處預備 乾隆三十八年十一月奉旨嗣後凡遇陞殿看祝版時刻若早添設燈一對臨時著向總管太監領用欽此

殿內燃香事宜

凡遇皇上陞殿之日寶鼎內燃用松柏枝五觔八兩皇上親祭壇廟金殿內燃香用沉香二兩重一兩五錢茜紅白蠟十六枝太和殿寶鼎燃用松柏枝十一觔

宮內設樂事宜

每年元旦定例乾清宮簷下陳設中和樂乾清門內後簷下陳設丹陛樂併元宵令節設樂之處具奏請旨交宮殿監督領侍等陳設

筵宴事宜

每年除夕及元宵令節保和殿筵宴蒙古王公台吉等俱預期奏請應用餠餠桌九十張牲肉五九奶酒燒酒黃酒共四十瓶若停止筵宴即將此項桌張頒賜 元宵令節如在正大光明殿筵宴蒙古王公台吉等所用餠餠桌張肉酒等項俱同此例凡所用涼棚交武備院盃盤金器交廣儲司桌張酒站交內管領奶酒牲肉交飯房每次遞酒大臣一員向領侍衛內大臣理藩院咨取銜名由內務府奏請欽派 乾隆三十五年五月奏准除夕保和殿筵宴並正月十五日正大光明殿筵宴每餠餠桌一張用酒八兩 道光元年六月總管內務府大臣常福面奉諭旨每年正月十五日圓明園正大光明殿點放活盒

著自道光三年起永遠停止欽此

宴桌事宜

每年除夕元旦十四日十五日預備皇上皇后內庭主位阿哥公主福晉前拉拉桌餚餚桌及賜內聘格格等拉拉桌餚餚桌並每年除夕賜宮內女子媽媽里嬭嬭等魚肉俱預期具奏咨行各該處預備

恭進春山春牛事宜

每年立春之日禮部順天府恭進春山春牛預期據禮部來文移咨宮殿監督領侍等除派接春山春牛之太監至日禮部堂官順天府府尹俱朝服恭進春山春牛於後左門內務府大臣掌儀司官員補服導引至乾清門太監穿駕衣恭捧宮殿監督領侍等蟒袍補褂導引恭進皇上御覽畢仍行捧出安放太和殿東暖閣嘉慶十六年正月十一日夜子初一刻立春恭進皇上駐驛圓明園其應進之春圖由順天府在圓明園恭進呈覽畢由順天府送交城內敬事房春山寶座仍在乾清門恭進

奉先殿大祭告祭事宜

每月朔望萬壽聖節冬至令節俱於前殿行大祭禮凡遇列聖列后神牌升祔奉先殿之預日祭先農壇之預日起鑾之預日廻鑾之次日經筵之本日冊封之本日俱於後殿行告祭禮是日如遇前殿大祭應於大祭禮成後再行告祭禮每遇列聖誕辰列聖列后忌辰及元宵令節清明霜降除夕立春日四月初八日端陽重陽俱於後殿致祭 乾隆二
年重修奉先殿預期告祭恭請列聖列后神位奉安於太廟中殿凡一應祭祀暫停其每月薦鮮掌儀司官員照常行禮供獻

奉先殿前殿大祭禮節

凡大祭前一日掌儀司官視宰牲瘞毛血於潔淨處祭日殿陛兩旁陳樂殿內設燈獻祭品於各神案上執事官樂舞生各司其事讀祝官至神庫行三叩禮恭捧祝文導引官導引入奉先殿中門供奉於祝文案上行三叩禮退內務府執事官至後殿詣各神案前拈香行三叩禮恭請神牌奉安於前殿寶座行三叩禮退屆時內務府大臣奏請皇帝乘輿出宮前引後扈如常儀出景運門至誠肅門外降輿太常寺贊引對引恭導皇帝入奉先左門內監跪捧盥盤帨巾如儀皇帝洗盥畢贊引對引恭導皇帝陞左階入殿左門詣門

內正中拜位前北面立前引大臣止立堦上後扈大臣隨入僉立於拜位後左右典儀贊樂舞生登歌執事官各司其事贊引奏就位皇帝就位立典儀贊迎神司香各捧香盤進唱樂官唱迎神樂奏貽平之章樂作贊引奏詣香案前恭導皇帝詣太祖高皇帝香案司香捧香跪贊引奏跪皇帝跪奏上香司香進香皇帝上炷香三上瓣香興次詣太宗文皇帝世祖章皇帝聖祖仁皇帝世宗憲皇帝高宗純皇帝仁宗睿皇帝宣宗成皇帝案前上香如前儀畢贊引奏復位恭導皇帝復位立贊引奏跪拜興皇帝行三跪九拜禮興樂止典儀贊奠帛爵行初獻禮司帛侍衛捧篚司爵侍衛捧爵以次進至各神位前唱樂官唱初獻樂奏敕平之章樂作司帛跪獻篚奠於案三叩興司爵立獻爵奠於正中各退司祝詣祝案前三叩興捧祝版跪案左樂暫止贊引奏跪皇帝跪贊讀祝司祝讀祝畢捧祝版跪安太祖高皇帝神位前篚內三叩退樂作贊引奏拜興皇帝行三拜禮興樂止典儀贊行亞獻禮唱樂官唱亞獻樂奏敷平之章樂作司爵獻爵於左如初獻儀樂止典儀贊行終獻禮唱樂官唱終獻樂奏紹平之章樂作司爵獻爵於右如亞獻儀樂止典儀贊撤饌唱樂官唱撤饌樂奏光平之章樂作撤畢樂止贊禮郎一員趨至神位前左旁北面跪奏

禮成請還宮三叩退唱樂官唱還宮樂奏又平之章樂作贊引奏拜興皇帝行三跪九拜禮畢樂止典儀贊捧祝帛送燎司祝司帛咸詣神位前跪三叩捧祝帛興司香跪捧香興以次恭送燎所皇帝轉立拜位東旁西向司拜褥官撤拜褥俟祝帛香過仍布拜褥皇帝復位立數帛官數帛贊引奏禮成恭導皇帝出殿左門由奉先左門出至誠肅門外乘輿還宮內務府執事官各至神位前行一跪三叩禮恭奉列聖列后神牌還御後殿奉先殿前殿大祭遣阿哥王公行禮禮節

對引官引入誠肅門奉先右門由西堦上進西榻扇詣太祖高皇帝太宗文皇帝世祖章皇帝聖祖仁皇帝世宗憲皇帝高宗純皇帝仁宗睿皇帝宣宗成皇帝各香案前跪拈香畢退出西榻扇在殿階上行禮其作樂獻帛爵讀祝撤饌均如前儀祝帛香送燎所時於西側避立禮成仍由原路引出

後殿告祭禮節

是日屆時奏聞皇帝乘輿出宮前引後扈如常儀出景運門至誠肅門外降輿太常寺贊引對引官恭導皇帝入奉先門東旁門走隨墻門至後殿穿堂東堦太監捧盥盤帨巾如

儀皇帝盥畢陞階隨從之御前侍衛豹尾班階下排立皇帝進殿東榻扇前引十大臣進穿堂兩旁排立司香跪贊引對引官恭導皇帝詣太祖高皇帝香案前行禮處立後扈二大臣隨入兩旁稍後立典儀贊執事官各司其事贊引官奏進皇帝詣香案前立奏跪皇帝跪接受香盒拱舉仍授司香皇帝興贊引官奏上香皇帝三上瓣香贊引對引官恭導皇帝詣太宗文皇帝世祖章皇帝聖祖仁皇帝世宗憲皇帝高宗純皇帝仁宗睿皇帝宣宗成皇帝案前上香如前儀贊引官奏復位贊引對引官恭導皇帝復位立贊引官奏跪拜興皇帝行三跪九拜禮興典儀贊奠帛爵行初獻禮司帛侍衛捧篚司爵侍衛捧爵進獻畢各退司祝詣祝案前行三叩禮興捧祝版跪案左贊引官奏跪皇帝跪贊讀祝司祝讀祝畢捧祝版跪安於篚行三叩禮退贊引官奏拜興皇帝行三拜禮興典儀贊行亞獻禮司爵侍衛獻爵如初獻儀典儀贊行終獻禮司爵侍衛獻爵如亞獻儀贊引官奏跪拜興皇帝行三跪九拜禮興典儀贊捧祝帛送燎司祝司帛進各行一跪三叩禮捧祝帛送燎贊引對引官恭導皇帝轉立拜位東旁司拜褥官撤拜褥俟祝帛過仍布拜褥恭導皇帝復位立數帛官數帛贊引官奏禮成贊引對引官恭導皇帝仍出東榻扇由原路至誠

肅門外乘輿還宮

後殿告祭遣阿哥王公行禮禮節

對引官引進誠肅門奉先門西旁門走西路進穿堂西南榻扇出西北榻扇進後殿西榻扇詣各神案前依次拈香畢退出西榻扇在穿堂內行禮其供帛爵讀祝均如前儀祝帛送往燎所時於西側避立禮成仍由原路引出

後殿致祭禮節

是日屆時皇帝乘輿至誠肅門外降輿前引十大臣次總管內務府大臣掌儀司贊引官對引後扈二大臣御前侍衛豹尾班隨入皇帝由誠肅門入奉先門東旁門走隨牆門至後殿穿堂塔下太監跪捧水盤皇帝盥手畢陞塔時隨從之御前侍衛豹尾班塔下排立皇帝進殿東榻扇前引十大臣進穿堂兩旁排立司香官跪總管內務府大臣贊引官引皇帝詣太祖高皇帝神位香案前立後扈二大臣隨入兩旁稍後立贊禮郎不贊皇帝三上瓣香總管內務府大臣贊引官隨引皇帝詣太宗文皇帝世祖章皇帝聖祖仁皇帝世宗憲皇帝高宗純皇帝仁宗睿皇帝宣宗成皇帝神位香案前上香如前儀畢總管內務

府大臣贊引官引皇帝詣太祖高皇帝神位前行三跪九拜禮禮畢總管內務府大臣贊引官引皇帝由原進榻扇出至誠肅門外乘輿還宮

後殿致祭遣阿哥王公行禮禮節

對引官引入誠肅門奉先門西旁門走西路進穿堂西南榻扇出西北榻扇進後殿西榻扇詣神案前依次拈香畢退出西榻扇在穿堂內行禮畢仍由原路引出

奉先殿供品

大祭每神案供饌一實簋二實黍稷二實籩二實稻粱二實籩十二實鹿脯一實白餅黑餅粿餌粉齋豆十二

實以韭菹醢醢菁菹鹿醢芹菹兔醢每神位前供登一實羹一實羹三實匙一筋一

雙帛一

告祭每神案前供饌一實籩六實棗榛蓮子鹿脯豆二實醢兔醢每神位前供爵一筋一雙爵

三酒實帛一

每逢誕辰忌辰元宵立春清明四月八日端陽重陽霜降除夕等日於後殿每神案供隨

時鮮果五色立春端陽重陽供四色乾果七色立春端陽重陽供四色豬肉一盤羊肉一盤清醬一盤酒三爵

四月初八日
不供酒肉

隨時薦鮮供品李子一盤沙果一盤文官果一盤核桃一盤白果一盤葡萄一盤石榴一盤
盤柿子一盤桃一盤香水梨一盤蓮蓬一盤藕一盤粟子一盤榛子一盤松子一盤蜜餞
山查一盤桑椹一盤櫻桃一盤香瓜一盤西瓜一盤杏一盤蘋果一盤王瓜一盤茄子一
盤水蘿蔔一盤芹菜一盤小菜一盤小葱一盤韭菜一盤蓼芽菜一盤笋雞一隻笋鵝一
隻鯉魚一尾薑蒿菜一盤野雞蛋一個吉祥菜一盤笋野雞一隻豌豆一盤大麥米一盤
野鴨子一隻山藥一盤雁一盤蘑菇一盤木耳一盤鹿肉一盤旱稻粳米一盤兔一隻鴨
蛋一盤豆芽菜一盤鱒魚一盤銀魚一盤花鯽魚一尾紅頭菜一盤

奉先殿陳設樂器

殿東陳設磨一搏拊一琴五瑟二簫五笛五篴三埙一排簫一鼓一笙五金鐘一殿西陳
設對磨一搏拊一敵一琴五簫五笛五篴三埙一排簫一笙五玉磬一
二月奏准嗣後奉先殿祭祀所陳設樂器移於殿外陳設

奉先殿安設燈座

乾隆十三年十

前殿安設五供套燈十四座照樂器套燈四座滿堂紅燈二十八座手把燈六個後殿安設套燈十四座手把燈一個寢宮安設套燈十四座海燈十四座手把燈一個前殿後殿年節安掛慶成燈十四對奉先門內外安設滿堂紅燈八十座朝燈四座路燈九盞 乾隆十三年奏准奉先殿原安設滿堂紅燈一分自康熙年間成造迄今年久常有損壞之處不時黏修甚不整齊今添造一分預備親行及年節安設以肅觀瞻其舊有燈座仍令收存每逢朔望等日安設 十五年五月奉旨奉先殿安掛慶成燈歷來每年於正月初七日安掛嗣後著於十二月二十七日起安掛欽此

除派恭請神位官員

奉先殿大祭恭請神位之官於內府司員內按神位奏明派官各一員預備官各一員如遇缺出仍於內府司員內揀選列名具奏 雍正六年五月奉旨嗣後慎刑司官員停其除派欽此 十年十一月遵旨議定凡奉先殿大祭告祭派出行禮之大臣及恭請神位各官獻帛爵侍衛執事各官俱預期在各該處敬謹齋戒

奉先殿換給衣帽等項

奉先殿安設燈座 除派恭請神位官員 換給衣帽等項 先嚴禮事宜